

明
詩
紀
事

明詩紀事卷二

貴陽陳田輯

甲

田按明史藝文志集部稱各藩及宗室自著詩文集
已見本傳不載及檢本傳良不盡然蓋史館編纂時
以王鴻緒史藝爲底本史藝藩王宗室自著詩文集
散見於本傳中故志文云然明史於本傳削去詩文
集名僅存一二體例簡嚴史法應爾但於藝文志內
未及將所削詩文集名補入而史藝所稱本傳已見
不載原文亦未刪去今將明史所載宗藩集名及史
所未載而見於史藝並四庫總目各家書目總集
專集雜載所述備列於此以待參考秦藩簡王誠泳
賓竹小鳴藁十卷王孫敬鎮自吟亭詩草敬鑑梅雷
軒詩藁四卷誼斗有集晉藩慶成榮懿王慎鍾太霞
藁寶善堂藁二卷周藩憲王有燉誠齋錄新錄鎮平
恭定王有熾德善齋詩集鎮國中尉陸樾陂上集二
十卷輔國中尉陸橫奉國將軍勤焯王孫朝瑋三世
詩合爲三業集楚藩莊王孟烷勤有堂詩集憲王季
况敏秀軒集武岡保康王顯槐少鶴山人集十六卷

王孫華因梅湖桃溪集齊藩王孫慶棊冠集魯藩

靖王華輝憑虛葦惠王泰堪梅齋葉莊王陽鑄尊德

堂葉鎮國中尉頤塚赤霞館集安邱奉國將軍頤墟

玄同館集王孫頤墟市隱堂集六卷蜀藩獻王椿獻

園集定王友垓有集十卷惠王申鑿惠園集成王讓

初長春競辰集十六卷端王宣折端園集代藩靈邱

榮順王遜焮雲溪葉王孫俊格天津集襄垣王植有集

崇佩蘭集肅藩葉王真洲星海集遠藩簡王植有集

庶人惠燭味祕草堂集輔國中尉術均葉組堂集填

國將軍憲燮哀黍離詩憲炳鄧中御史葉光澤榮端

王寵濱博文堂葉王孫儼鐘句曲山人詩甯藩獻王

權采芝吟靖王莫培仙詔卻掃吟挺古詩甯藩獻王

將軍拱樞瑞鶴堂集石城王孫拱挺巢雲集四卷鎮

國中尉謀璋積園近葉王孫拱挺巢雲集四卷鎮

車四集端昌鎮國中尉多煊離市隱集奉國將軍多

用晦集樂安中尉多煊離市隱集奉國將軍多

適園詩集面壁齋文集弋陽輔國將軍拱樞負初集

二卷奉國將軍多煊委蛇集奉國將軍拱樞負初集

遊集南國王孫謀堯享集集國將軍多煊委蛇集奉

草潘藩安王詮鈔凝齋集憲王崩移清秋唱和集保

和齋葉宣王恬校錄齋集憲王崩移清秋唱和集保

山房葉沁水康僖王理培衡漳葉滄海披沙集鎮國

將軍恬煥振菴集鎮國將軍恬煥達菴集輔國將軍
程圻怡真亭藜輔國將軍程增玉田集奉國將軍效
鏗立攬齋盤秀山房集清源莊簡王幼好飲河集二
十五卷續集八卷王孫增於重瞳老人集德平榮順
王胤棹集書樓藁安慶端懿王恬燿嘉慶集鎮康恭
裕王恬焯西巖漫藁奉國將軍效燿壺集唐藩成
王彌錡瓊天小藁恭王彌錡謙光堂詩集秋江詞三
城康穆王芝坵進修藁承休昭毅王彌錡存齋樂府
復齋錄新野鎮國中尉碩燿巨勝園集輔國中尉器
封巢園集漢庶人高煦擬古感興詩趙藩康王厚煜
居敬堂集十二卷荆藩富順王厚琨東蕪集二卷樊
山王羽紙廣藁堂集二十四卷王孫載埠大隱山人
集衡藩新樂康憲王載璽樓居田居藁夢散神覽集
益藩莊王厚雉勿齋集詠史詩王孫常澗防露館藁
總集則中尉觀樞輯海岳靈秀集新樂王載璽輯諸
藩著述爲綺合續揚集中尉謀緯輯藩藻麟角集明
漢詩菁英

周定王櫛 四首

王太祖第五子洪武三年封吳十一年改封周洪熙

元宮詞一卷

名山藏王好學能詞賦工書從上所賜元樞得聞元
宮中事製元宮詞百章時人以比之三翰黃圖
田按定王賦元宮詞百篇永樂時獻頌九章頗著文
采嘗登天桂清香之樓俯瀚雲之亭召從臣曾子禎
鄒爾思周是修同遊子禎獻賦云惟吾君之英姿兮
瑩琮琤而含章稟天然之上智兮尤博學以無方爾
愚賦云效姬旦之屬屬兮若不勝乎捧持既承順而
上安兮亦友于而下施是修賦云傲東平之爲善兮
慕河間之執清培玉橫於萬世兮臻百福而長榮王
答賦云繁三臣之進言兮俱有倫而有理飭先後與
始終兮將啟沃乎吾志彼聲色與畋遊兮固非吾之
所尚暨神仙之杳冥兮多徒勞於夢想文宴從容不
減梁園故事王有十五子憲王有煥博學善書鎮平
王有熿工詩歌書畫局是修芻蕘集稱郡王殿下和
明本中峯梅花百咏詩清雅端潔惜今不傳

元宮詞

蜜漬金桃始獻新禁城三伏絕羣塵炎蒸微至清甯殿玉杵

敲冰賜近臣

侍從皮帽總姑麻罽罽高冠勝六珈
進得女真千戶妹十三嬌小喚茶茶

奎章閣下文詞盛太液池邊遊幸多
南國女官能翰墨外間鈔得竹枝歌

隊裏惟誇三聖奴清歌妙舞世間無
御前供奉蒙深寵賜得西洋塔納珠

蜀慮王椿 一首

王太祖第十一子洪武十一年封二十三年就藩成

都永樂二十一年薨有獻園集

田按獻王儒雅好學孝陵呼爲蜀秀才嘗奉命講武
中都闕西堂延名士李叔荆蘇伯衡等商榷文史叔

荆名鎬以字行臨川人洪武戊辰與伯衡同主會試伯衡爲叔荆作先考北廬墓誌甚致推挹余甄其詩錄別卷王之國後聘漢中教授方孝孺爲世子傅傾懷下接嘗與孝孺書云公西州之冠見有識者無不心悅誠服而新學晚生亦有所依歸也余一日不見有如三秋又云懿文清節有東漢之風尙志立言爲當代之重詞旨雅令如此惜獻園集不傳

賜方教授詩

伊昔開東閣相看眼獨青文章奏金石衿佩覩儀型應世遊
三輔焉能困一經前星垂炳耀染翰侍彤庭

宵獻王權二首

王太祖第十七子洪武二十四年封二十七年就藩
大甯永樂二年移南昌正統十三年薨有采芝吟四

名山藏王白哲美髯負氣好奇嗜學博古自其髯齧
時自稱大明奇士老號癩仙所論著及於卜筮修煉
琴奕諸書手製博山鑪及古瓦硯皆極精緻
列朝詩集王持靖難功頗驕恣多怨望不遜作日蝕
詩云光浴咸池正皎然忽如投暮落虞淵青天俄有
星千點白晝爭看月一弦蜀鳥亂曠疑入夜杞人狂
走怨無天舉頭不見長安日世事分明在眼前以此
詩徵之王之怨望信矣又作囊雲詩云蒸入琴書潤
粘來几榻寒小齋非嶺上弘景坐相看王每月令人
往廬山之巔囊雲以歸結小屋曰雲齋障以簾幙每
日放雲一張四壁氤氳如在嵩洞余親周憲王有送
雪詩廬仙囊雲憲王送雪此宗藩中佳話可屬對也

宮詞

新選昭儀進御來女官爭簇上平臺宮中未識他名姓都把
花名作字猜

忽聞天外玉簫聲花下聽來獨自行三十六宮秋一色不知
何處月偏明

雙槐歲抄履仙宮詞忽聞天外玉簫聲一絕王司綵
宮詞瓊花移入大明宮旖旎浪香入晚風贏得君王
留步輦玉簫嘹唳月明中是時賢妃權氏順妃任氏
昭儀李氏婕妤呂氏美人崔氏皆朝鮮人權尤積粹
善吹玉簫永樂八年侍上征虜還至臨城葬謚恭獻
朝鮮國王李芳遣驛送妃父權永均至拜光祿寺卿
食齋不營事尋遣歸國貢女不復至聖德剛明不爲
蠱惑如此

漢庶人高喚一首

庶人成祖第二子永樂二年封漢王十五年就藩宣
德八年叛降庶人熱道遙城死國除有擬古感興詩

擬古

武皇藉文景民殷倉粟陳不守清淨化開邊政多門四方屢
遊幸萬里馳三軍有子不自保哀哉真少恩外虛仁義名奈
茲多欲身神仙在何處茂陵今幾春

周憲王有燉三首

王周定王長子太祖孫洪熙元年襲封景泰三年薨

有誠齋錄新錄諸集

朱謀瑋藩獻記憲王好文辭兼工書畫

書史會要憲王集古名迹十卷手自摹臨勒石傳世

名曰東書堂法帖

沈德符顧山雜言周憲王所作雜劇最夥名誠齋樂府雖警拔稍遜古人而調入絃索穩叶流麗猶有金

元風節

列朝詩集憲王遭世隆平奉藩多暇製誠齋樂府傳

奇音律諧美流傳內府至今中原絃索多用之李夢

陽沐中元宵絕句云中山孺子倚新妝趙女燕姬總

擅場齊唱憲王新樂府金梁橋外月如霜王詩如春

日云深巷日斜巢燕急小樓風靜落花閒春夜云彩

檻露濃垂柳溼珠簾風靜落花香秋夜云梧桐露滴

鴛鴦瓦楊柳風寒翡翠堂牡丹亭景云鶯囀小院

穿青柳燕蹴飛花過粉牆日暮雲林鳩喚友常知雨

海燕將雛不避人雲林清趣云采藥一僧雲外去巢

松雙鶴雨中送人云南浦斷虹收雨去西風新雁

帶霜來漫興云南國音書歸雁盡西園風雨落花愁
和王長史云探得藥苗還竹徑著殘棋子坐花陰紅
心驅云枕上夢迴鶯語滑窗前風定柳陰涼橫隄晚
望云神如秋水十分淨心似中原萬里平皆風華和
婉風灑乎盛世之音也

雲英

雲英何處訪遺蹤空對陽臺十二峯
花院無情金瑣合蘭房
有路碧苔封消愁茶煮雙團鳳
綵恨香盤九篆龍腸斷端清
樓閣裏墨痕燭炮尙重重

列朝詩集雲英姓夏氏憲王之宮人也生五歲聞誦
孝經七歲盡通釋典淡妝素服色藝絕倫其居曰端
清閣有端清閣詩一卷年二十二臥病求爲尼以了
生死受菩薩戒作偈示眾而卒憲王自爲誌銘

柳枝歌

蘇小門前萬縷垂白家園內兩三枝
聽歌看舞人何在惟有

東風展翠眉

送雪

天山一色凍雲垂，畫樓臺綴玉時。準備煖金香盒子，明朝

送雪與相知

列朝詩集汴中風俗每歲遇初雪則以合子盛雪送與親知以爲喜慶置酒設席相請歡飲亦昇平之樂事宮中尤尙之

秦康王志潔一首

王隱王尚炳第三子愍王棟之孫太祖曾孫宣德三年以富平王進封景泰六年薨有默菴集

送凌漢章還若

東書孤劍別西秦，紅樹青山潑眼新。千里風塵雙短鬢，五湖

煙水一閒身夢回孤館寒砧急望入遙空候雁賓料得紀行
多賦詠雲箋無惜寄陽春

楚憲王季垵二首

王莊王子太祖曾孫初封武陵王正統五年襲封八
年薨有毓秀軒集

楚紀王務學時敏嘗夢持水晶筆大書自茲文藻
發詩調高曠題東平圖云東平昔賢王居家惟樂善
富貴非所樂忠誠意無倦謙言契宸衷奏疏答天眷
永言躋芳蹤千載繼成憲河間圖云我聞河間賢
學自好古心契義皇與神遊洙泗捕求書留其真道
術言有德九原不可作百世吾疇與至今士林多
之所著有毓秀軒詩經滌清暇錄管延枝爲之序

昭王碑詩

高皇奉天大正四海肅肅昭王維皇之子茫茫江漢爰初賜

履秉德執誠以綏以理溫溫靖恭翼翼小心惟孝顛顛惟忠
湛湛臨下惟和蒞眾惟欽允文允武如玉如金奕奕楚邦寔
奠南紀時敘物豐風厚俗美瑤琨在園帝嘉其賢民受厥祉
慈祀有虔嗚呼祖考陟降在天錫監垂祚裕我後昆

莊王碑詩

懿我楚國王祖肇封爰及王者帝訓是崇仰惟帝訓子孫矩
度保國安民式由皇路啟之承之念茲在茲宜我家國世濟
光熙江漢朝宗藩翰攸峙天監厥衷用錫我類閔予小子嗣
守家邦允懷繼述夙夜匪遑戡戡昭圖莊圖在側穹碑有辭
用示無極

潘安王詮錄一首

王莊王幼學次子簡王樞曾孫太祖玄孫初封靈川
王正德四年薨諡榮毅後以孫憲王胤移進封更諡
安有凝齋稿

送五臺山僧明曉

曉來法席尙餘香雲水悠悠道路長錫杖撥開三晉雪衲衣
披盡五臺霜經傳般若談偏熟禪入維摩語並忘若到深心
三昧地應知無處覓行藏

秦簡王誠詠

四首

王惠王公錫子康王孫太祖來孫自號賓竹道人弘
治元年以鎮安王襲封十一年薨有經進小鳴稿十

卷

四庫總目誠深詩古體清淺而質樸近體諧婉可誦七絕尤爲擅場如秋夜詩云霽月滿窗明似畫梧桐如雨下空庭又云空庭久坐不成寐明月滿階碎杵聲又山行詩云嘓鳥無聲僧入定半巖風落紫藤花皆風骨戍削往往有晚唐格意爾時館閣之中轉無此清音矣

列朝詩集王年十歲康王如陳教以小學日記唐詩一章惠王聞吳人湯潛名能詩請爲教授傳聲律之學嗣位日賦一詩積三十年王酷雅有簡押博通羣書布衣蔬食延攬文儒竟日談論不倦護儀子弟得入從宮自王始也詩曰賓竹小鳴集嘉靖元年王孫定王惟焯表上之詔送史館

田按秦簡王詩色麗音婉不愧日課一詩之目

隴頭吟

萬里奔馳隴頭水日夜鳴鳴亂人耳黃沙白草兩茫茫怕聽水聲愁欲死一從結髮戍涼州鐵甲磨穿已禿頭兒孫養得解胡語不如隴水解東流

春詞

海棠枝上鵲聲乾
羅幕重重護曉寒
初日半林珠露重
脆紅無數壓闌干

題王舜畊畫

翠壁丹厓淡夕曛
往來麋鹿自成羣
仙家住在空青外
只隔桃花一片雲

秋夜

秋聲溢耳不堪聽
燕坐高齋戶半扃
鑷月滿窗明似畫
梧桐如雨下空庭

肅靖王真於

四首

王恭王賁鯨之子
太祖來孫莊王模
玄孫成化中封

世子嘉靖五年薨以子定王弼桃襲王道諡有星海

集

名山藏靖王真於博雅好文善爲詩
列朝詩集靖王詩調高古言邊塞事尤感慨有意

塞上

李陵望國臺猶在蔡琰悲笳怨未窮獵騎遙遙入霜霧鷓鴣

泉外夕陽紅

受降城外單于獵温宿營邊漢使過強欲從軍事鞍馬馮唐

已老復如何

遠出漁陽北擊胡將軍談笑挽雕弧千金底贖單于首贖得

沙場戰骨無

徐渤筆精蕭瀟靖王博雅善詩塞上曲遠出漁陽一
薦有王龍標之致

春日田家

屋後青山門外溪小橋遙接稻秧畦人家遠近蒼煙裏桑柘
陰陰戴勝嘯

岷靖王彥汰

一首

王莊王梗玄孫太祖來孫初封江陵王弘治十三年
襲封嘉靖二十三年薨

贈廖道南

夔比神仙翰苑清更無荆棘向人生覆甌名位稱良史補袞
才猷輔聖明視草纒鸞揮翰集宣麻棠鵲蹴花鳴槐廳風靜
聽鈴索一室狹香愜素情

滯憲王盾移

三首

王惠王勛潛之子安王孫簡王來孫太祖曩孫自號
南山道人嘉靖五年封靈川王十年以懷王絕嗣進
封二十年薨有清秋唱和集保和齋詩五卷

謝榛四溟詩話憲王南山素嗜談禪詩亦妙悟和嫩
雲上人韻曰幽徑漸行蹤浮圖對遠峯結冰堅碧沼
凝雪老青松雙樹下開講千燈中現容天空雨花徧
門有白雲封使王摩詰見之亦當心服詩韻罕用腥
字胡曾洞庭湖絕句魚龍吹浪水雲腥造句儘佳憲
王夜雨頭聯樹溼鴉羣重雲低龍氣腥格律尤勝若
齊獻王耀仙周憲王誠齋雖皆嗜詩相去懸絕矣
程之珩潞安詩抄前篇南山道人性喜讀書好文士
善音律

聞陵川有警

猖獗山中寇農桑殊可悲黃巾還自敗白馬竟何之烏合枯
林夕魚遊沸鼎時材官幾籌策况有射雕兒

送趙一卿僉憲之蜀

纔得相逢便欲行，維舟論別限嚴程。
雲山遠隔黃牛峽，風雨深迷白帝城。
斷石荒臺唐故壘，懸崖殘壁漢遺營。
知君素有忠良節，過此甯無感慨情。

次李黃崖寄懷韻

西望關門道路長，十年萍梗歎行藏。
夢中樽酒人如昨，天外鴻聲秋又涼。
老去客身頻出塞，曉來衙吏罷升堂。
商州更在千山裏，政簡看書懶下牀。

德平榮順王層櫬一首

王藩憲王弟自號南岑道人嘉靖三十七年封萬歷
十年薨有集書樓稿

四溟詩話南山南岑伯仲齊名

王鴻緒橫雲山人史某德平王倫擬洲鬱負儻才與
宗人衡府新樂王載璽周府中尉陸樺襄垣府俊傑
晉府康衡秦府玉華齊名俊傑著五懷詩述其事

贈別素愚上人

釋子來何處廬山復太行翻經淹歲月補衲犯冰霜浩劫塵
緣盡彌天覺路長智珠原不染好去照殊方

趙康王厚煜二首

王成祖第三子趙簡王高燧之來孫自號枕易道人

正德十六年襲封嘉靖三十九年薨有居敬堂集

田按王文采麗都延接士類藻韻連翩應教疊作讀
孫太初之集恨不同時奏謝茂秦之歌擁姬出拜至
今談者津津豔流口齒斯極朱邸之風流藝林之樹
事也

送句吳茂才顧聖少北上

北去度溇洮春風一騎過入燕投刺少留趙著書多明月頻
呼酒青天獨放歌他時望南國湖上有煙蘿

擬出塞

都護行邊日胡天雪正飛朝傳青海檄暮解白登圍龍虎行
韜略風雲入指揮何當請長組生繫犬戎歸

蜀成王讓栩

二首

王昭王賓瀚之子太祖曩孫正德五年襲封嘉靖二
十六年薨有長春競辰稿十六卷

列朝詩集蜀自獻王後四葉皆有文集行世昭王仁
厚好儒術孝宗皇帝賜詩以河間禮樂江夏忠勤爲
比王好學手不釋卷日觀經史臨法書作詩屬對皆
有程要

擬古宮詞

睥睨鴉喧曙色明
麗譙隱隱盡鐘聲
各宮裝束焚香候
只恐君王道院行

靜志居詩話宮詞雖題擬古然只恐君王道院行疑
諷永陵而作

內池春水鴨頭綠
上苑晨花腥血紅
蜂蝶叢花鴛戲水
一齊著意向東風

武岡保康王顯槐 一首

王楚端王榮滅第三子昭王來孫太祖曩孫嘉靖十
七年封萬曆十八年薨有少鶴山人正續集十六卷
俞憲盛明百家詩少鶴山人雅善文墨尤好詩歌

送杜學諭擢國子先生

江天歲晚雪初晴
有客鳴珂上帝京
楚士久知宗杜佑
胄師

今得見陽城橋門壁水環經府驛路梅花擁去旌誰謂僞官
稀樹立熙朝篆宰頌文清

潘宣王恬燦二首

王憲王次子太祖仍孫自號西屏道人嘉靖二十一年襲封萬歷十年薨有綠筠軒稿四卷

四溟詩話西屏道人詩辭雅氣暢造詣不凡
名山藏宣王好學工古文辭妙於聲律

寄懷大司馬郭一泉二首

在昔論文卽見知幾年良晤信難期停雲北極頻回首落木
西風獨賦詩金鼎鹽梅股相業玉階劍履漢官儀君今選將
清邊徼畫省憂心退食遲

征驂別後幾登樓極目山川憶舊遊鼎鼎霜華寒已冱冥冥

雲物夕仍留九關甲士圖功且三輔丁男習戰秋聞道天驕
還北遁萬年佳氣繞皇州

鎮康恭裕王恬焯

三首

王藩憲王第五子自號西巖道人嘉靖三十一年封
萬厯八年薨有西巖漫稿

四溟詩話鎮康王西巖詩最得盛唐格律題宋參政
瞻遠樓云江流懸樹杪山色到窗中精拔有骨陪國
主謁筮途中有作云仗劃浮煙破旗衝過鳥翻句法
森嚴何異沈宋

送程太守存齋之任睢陽

八月一日天沈寥使君南發馳星軺雙旌何悠悠五馬亦蕭
蕭駢筵出祖擁溪橋橋邊楊柳垂長條欲言不言各踟躕西
風嫋嫋吹征袍睢陽雄峙梁宋郊兩歧五袴成歌謠公衙寂

寂畫簾捲白日皎皎青天高蹇余久欽道義重與君况是金
蘭交一日不見心已思詎忍咫尺千里遙握手送君還留君
側身南望空鬱陶

寄懷劉紫山侍御回自滇南

桃柳幾度感花開鄉國傳書不易來曾醉離亭牽我夢因思
佐郡識君才滇南風壤三年盡天北星槎萬里迴遙望舊知
秋秋杪月明何處是行臺

四月八日過昭覺禪院同諸宗丈賦得松字

石龕幡影閃金容此日曾聞浴九龍心印始歸香象迹法輪
更斷野狐宗風傳鐘磬留空谷天落雲霞拂古松傑閣還登
一西望萬年佳氣暖諸峯

安慶端懿王恬熾 二首

王泚憲王第七子自號西池道人嘉靖三十七年封

萬厯二十二年薨有嘉慶集

四溟詩話安慶王西池詩奇崛有骨善用險韻譬如棧道馳馬無異康衢韓翃秋夜卽事星河秋一雁砧杵夜千家西池重九前一夜樹聲喧一枕秋色冷千家此聯與韓出一杼織組自別
潞安詩鈔前編西池道人乘善忘勢海內名人樂與之游立葆真亭八子會每當佳辰招呼宴集彈琴對奕飲酒賦詩
田按西池攬秀閣中秋宴集詩摘辭走天馬吐論集入龍想見賓客之盛

送月泉上人歸南海

閒身無所繫江海信孤帆石上留金偈人間祕玉函天開達摩井雲護普陀巖誰復爲禪侶相依松與杉

送程太守存齋之任睢州

秋滿橋梁柳尚垂
一樽千里別君時
雲霄盛世看騰踏
風雨茅堂幾夢思
汴水澄清知善政
嵩山迢遞入新詩
懷人儻有瓊瑤字
回首天涯雁正飛

遊庶人憲燿一首

庶人遊莊王致格子簡王嗣孫太祖仍孫初封句容
王嘉靖十九年襲封隆慶二年以罪降庶人國除有

味祕草堂集

朱國祿洪幢小品遠王國於荆州府嘉靖中庶人憲燿聰明絕世行多縱佚當之以叛刻疏中有觀兵八里山之說傳致其獄過也被執月餘飲酒賦詩了不爲意行之日表辭毛太妃血淚淋漓全表皆溼表既上如故也惟語袁太守曰公知吾好文墨多致文房四寶去見者無不哀之

錢希言遼邸紀聞世廟時遼邸最盛宮室苑囿皆
狗馬之樂甲於諸藩而王亦風流好文音曲詞章
盧擊踊靡不狎弄離宮別館霧縠雲蒸舞榭歌樓
鋪繡澀於是四方之墨卿賦客博徒酒人黃冠羽
騏子魚文之流無不駭集其座上矣世宗宴闕國
遂除遼王好營宮室置亭院二十餘區以美人鐘
充之其名有西樓西宮曲室華房大乙竹宮有月
紅房花劫藥圃雪溪冰室鶯鳴虎圈又有塔橋龍
西疇草湖藥珠洞宮人斜諸處絲延包絡參差蔽
琪花瑞草異獸文禽靡不畢致王曰與諸名士觴
其中是時信州宋登春吾吳顧聖少諸君凡數十
皆爲王門珠履與故荆守徐宗伯公倡和上元諸
徐有西宮隱隱出鷓鴣之句傳誦一時然遼王雅工
詩賦尤嗜宮商其自製小詞豔曲雜劇傳奇最稱
步有春風十調睡窗絨誤歸期玉闌干金兒弄丸
皆極婉麗才情尋後安置鳳陽又編撰賣花聲諸
數百闕流傳江表含思淒楚不減南唐後主春意
珊至今華臺前老妓半是流落宮人猶能彈出琴
僕絃上一曲伊州淚萬行也
田按庶人所著詩有名庚中稿者徐學謨序云逸村
命世藉今古對客揮毫一仲軼卽千數百言立就
一時騷壇之士莫能難今檢學謨海隅集云此序爲

某宗人著蓋禍後創其名也方禍未發時鷺池生
宋登春爲王門客時永陵好道憲檇以崇事立教封
爲清微忠教真人登春作宮中行樂詞云小紅亭子
白闌干入道宮娥玉作冠袖出青梅彈潤銀瓶滿
注蔗漿寒碧殿春深瑤草肥美人對月舞羅衣來
不作青鸞夢化作彩雲何處飛玉輦春遊夜未央
衣侍史設焚香黃金瓶十樣鸞寫道經太乙紫壇朝帝
琉璃硯水黃金瓶十樣鸞寫道經太乙紫壇朝帝
麗蕊珠深殿彩花馨又紀南樂應教云沙市多新館
章華餘舊臺細雲薰岸柳殘雪照江梅楚舞花鈿麗
吳飲寶瑟催清尊宜落日作賦子雲才又賞雪侍
應教云狐白煖蒙茸當歌集上公春藏金屋裏僊
玉壺中送酒青樓妓焚香白玉童錦屏寒不入只許
隔簾櫳可謂一時詞客之雄及禍作登春作道小紀
於憲檇無怨詞失詩人忠厚之旨矣

望龍山

桓公展高宴乃在龍山巔大會文武士冠蓋相周旋誰知孟
參軍天質任自然墮帽了不驚請筆詞翩翩鼓風已千載朝

市幾遞遷山前有故邑化作陌與阡我欲矯雙舄荆棘誰可
舉延伫發長嘅萬壑生塞煙

益莊王厚燧一首

王端王祚橫子憲宗孫嘉靖二十年襲封三十五年
薨有勿齋集詠史詩

登山

屏迹書巢寂寞間籃輿乘興遠登山山雲挾雨忙飛去不得
逍遙共我閒

瀋定王瑄堯一首

王宣王子太祖雲孫萬厯十二年襲封有修業堂崇

玉山房二稿

路安詩抄前編王博學瞻通詩學晉魏

寒食曉行

輕軒衝曉色迢遞柳溪邊
野澗羣山小雲低片雨懸
杏花初熟酒榆火乍浮煙
寂歷鶯鶯慮傷春似舊年

靖安王新環一首

王晉靖王曾孫太祖雲孫萬曆十年襲封

名山藏靖安王表秩有道氣能詩于恭懿王知婚孫
今王新環三世俱能詩

元夜懷易海洲中丞

淡月來深院寒煙接暮天
華燈明綺席綠酒醉流年
孤影梅花伴相思草邊遙知燕市裏酬和白雲篇

穀城王常澹一首

王吉端王孫備王來孫英宗舅孫萬歷二十四年襲
封

冬日陳達父對飲

寒色侵池滿簾鉤捲夜長鐘疏三徑月葉散一林霜茗好詩
脾健盧呼酒力強縱談銷絳蠟縹緲坐焚香

明詩紀事卷二下

貴陽陳田輯

甲籤

朱安泚 一首

安泚周定王櫛玄孫

田按史稱將軍安泚素精名理延納詞人聲譽大著與中尉陸桴齊名人稱陸桴爲大山安泚爲小山安泚詩惜不多見

送馮參將赴陝西

仗鉞仍分陝乘時復請纓聲名歸大樹威武重長城電掣蒼龍劍風翻白虎旌塞塵當一掃萬里可橫行

朱陸桴

二首

陸桴字灌甫號西亭周定王六世孫封鎮國中尉萬

歷中舉宗正有陂上集二十卷

胡應麟詩數明宗室攻古文詞者嘉隆間惟灌父最博洽饒著述余髫歲卽與交豫章用晦先鳴諸子勃起貞吉宗良與余酬復特久一時競爽名家未易屈指盡也

列朝詩集灌甫被服儒素覃精經學從河洛間宿儒遊奉手摠衣執經函丈受禮於昭陽許先章分句釋

辨析疑義達旦不寐三月而盡其學年二十通五經尤邃於易春秋家故饒貲財僮奴數百人皆逐羸車

周麥執業自給逐十一之利其家益大起訪購圖書請接賓客傾身遊貴顯間通懷好士內行修潔築室

東陂之上延招學徒與分研席用是名聲籍甚萬厯初舉文行卓異爲周藩宗正十餘年中國大製作皆

出其手修河南通志撰中州人物志中州之文獻徵焉謂本朝經學一稟宋儒古入經解殘闕放失訪求

海內通儒繕寫藏弃若李鼎祚易解張治春秋傳皆序而傳之丁丑領宗學約宗生以三六九日午前講

易詩書午後講春秋禮記雖盛暑寒不輟命諸生刺舉同異撰五經稽疑若干卷授經圖及傳四卷觀陶

九成輟耕錄載前元十九帝統系作大明帝系世表
一卷周國世系表一卷感建文革除記錄失實作選
國記衷忠錄五卷考史記以來證法作較定證法一
卷合沈約吳棫韻舉正誤繆撰韻譜五卷其詞文有
陂上集二十卷文尤典雅可誦有明之宗室憲園北
肩問平而淋甫媿美子政洵昭代之盛事唐宋所希
觀也海內藏書之富近代推江都葛氏章邱李氏灌
甫傾貲購之錫四十年之力做唐人四部法用各色
牙籤識別凡一萬二千五百六十卷起萬卷堂誦
其中圈點警勘丹鉛悉然其子勤夔城竹居亦嗜書
收藏益富余從中亦張民表鈔得其書目武林卓爾
康爲學官於派借鈔得數十帙未竟而罷泮亡之後
陂上之充棟插架者漂蕩於洪流怒濤可勝歎哉

陂上答潘笠江

陂開浚野東堂接夷門道聊用安卑棲敢云慕高蹈良辰適
在茲褰裳一登眺苔徑何縈紆葭洲亦窈窕嶼雲斷復連林
日暖仍暉溪鳥自飛翻沙禽相叫嘯身同北渚吟情豈南窗

傲酌桂靡與歡擷蘭徒盈抱賴歌郢中篇庶以永所好

晚秋過相國寺懷然上人

與君結靜因回首俱陳迹緬懷山中遊歲景倏已夕秋風颯
空林澹月來寒石兀坐亦何言含情念疇昔

朱華園一首

華園字仲叔楚國王孫有梅湖桃谿二集

虞元度楚風補仲叔敦敏好學崇禎癸未三月夢遊
異境見石壁有詩告親友曰時危矣去之可也遂隱
桃谿易名陶范公別號五湖長

送陳法瞻之韶都

將軍奇俠天下聞醉餘指顧生風雲以劍爲書自神絕波擧
勁敵千人軍曩歲戰黔獲小醜拂衣里閭羞言勳小鈴蹇衛

候千里然諾真堪托生死故人急難遠相聞
犯暑南行爲經紀壯君意氣爲君歌翁伯于君何足多

朱承綵 一首

承綵字國華齊王孫

列朝詩集齊藩宗支散居金陵高帝子孫於今爲庶國華獨以文彩風流厚自標置掉鞅詩壇鼓吹騷雅萬厯甲辰中秋開大社於金陵胥會海內名士張幼于輩分賦授簡百二十人秦淮伎女馬湘蘭以下四十餘人緝文墨理絃歌承平盛事白下人至今豔稱之其詩亦殊清拔天迴孤帆沒江空獨雁寒所謂送別登樓俱堪淚下者也

春暮集巨源弟羣鷗閣

客來情不淺月白樹難藏開閣驚春暮傳杯引興長
水清魚戲藻花落蝶愁香翦燭西窗裏無妨入醉鄉

朱觀燿 一首

觀燿字中立鉅野僖順王玄孫魯荒王檀六世孫封

鎮國中尉有濟美堂稿

宋弼山左明詩鈔中立所選海嶽靈秀集後附二藩詩一卷則其父子作也自序云岱宗東盤溟渤襟壑鉅野茫茫靈光蕩蕩當奎婁危室之奧固宇內靈秀之區三朝以來名家疊出大雅聿振子採成二十餘卷略述人物出處品格優劣今頗有其本簡擇頗精

梅墩

誰將庾嶺梅栽傍草玄宅一夢入羅浮覺來山月白

朱頤媿 十三首

頤媿字江亭魯荒王八世孫有市隱堂集六卷

田按江亭詩音節高亮史稱鉅野中尉頤璩聲詩清拔所著有赤霞館集余檢江亭市隱堂集有喜聞赤

霞館得二鶴展九日集赤霞館對雨諸詩蓋同時唱
和之作也江亭名不甚著余特廣爲甄錄與世共賞
之

和村居感遇

一朝脫塵鞅四海任遨遊採藥尋仙去岱宗爲我留西望咸
陽宮寂寞成荒邱興亡固有數貧賤何足憂歸來閉柴關編
簡細研求埽石卧白雲銜盃歌四休

至後齋居述懷

昔登蘇門山獨發孫生嘯悵恨青霞人披襟可同調落月照
林薄迴風吹海嶠相思轉陳迹俛仰憶悲眺

述懷

柴門無客過幽興與誰同竹色淩殘雪梅香度晚風歲時雙

醉眼天地一衰翁回首浮雲態須與事事空

春日卧病答蚓蛟兄招飲

相如多病日不逐兔園遊人惜耽詩債花憐負酒甌那堪曲
水興尙念野人憐燕子知春社衙泥去玉樓

掩門

物序秋將半西風各掩門人情向黃菊霜色悼芳蓀白日豺
狼鬪清宵鼓角喧時光須自遣對月且開樽

除夕雪中有感答一椽姪

寂寂陵谷變悠悠歲序遷檻梅融臘雪岸柳帶春煙藥餌扶
衰病琴樽送老年眼前小兒女時態鬪鮮妍

冬日感懷

嗜酒貧爲病耽詩狂作魔醉來還自舞醒後復長歌天地身
將老風塵鬢欲幡吾生今已矣歲月任蹉跎

杜陵臺餞送林長卿之金陵

臺古春深草木凋驪歌忽動使人愁雲間滄浦三山出江抱
石城二水流別後夢魂依魯甸燈前風雨看吳鉤憐君年少
青雲器正是鵬鵬奮翼秋

迎春詞

越羅新翦製春衣廣袖長紳白練垂怪底誰家遊冶子輕敲
紈扇唱春詞

絕句

茶烹竹葉宜興錦酒泛松花鸚鵡卮醉後園林遊目處陰陰

桑柘雨晴時

塞下曲 二首

邊烽夜照塞門開
漢將秋深打獵回
後騎尙屯平樂館
前軍已過李陵臺

煙塵不動紫荊關
刁斗無聲士馬閒
貂帽錦裘結束好
將軍雪裏射鵬還

海棠軒

北軒軒外春光好
點染臙脂半未開
醉倚東風似相識
挑燈載酒幾回來

朱憲燮 一首

憲燮字叔和遼簡王植六世孫封鎮國將軍有哀黍

離詩

真人府

叢桂崑幽玉露寒欲探
鴻寶憶劉安雲中雞犬無消息
歲歲青苔護石壇

田按真人遊王憲柳也

朱儼鏹一首

儼鏹字啟宇遼簡王八世孫有句曲山人詩

東灣草堂隱居

明月在天天在水水光天氣涵
細縕隔鄰清杵數聲急遠屋
寒蛩一夜喧有時獨坐自垂釣
無事杖藜還扣門眼前落葉
聚復散石上看雲安所論

朱拱榭 二首

棋榭字匡南建安簡定王孫宵獻王楹五世孫封奉
國將軍有瑞鶴堂集爽壑橐各二卷

寄環浦鄭公

灑淚三年別論心千里同斷鴻
閩海濶落木楚天空憂世存
孤議傳經抗古風無緣從杖屨
吟嘯武夷中

輓沈潯州禹文

沈約元多病如何事遠遊
一麾才欲展萬里瘴先投
茂苑猿空怨蒼梧雲更愁
旅魂招未得蕭索不勝秋

朱多燼 五首

多燼字宗良瑞昌恭僖王立孫宵獻王六世孫封鎮

國中尉有國香集

王世貞弁州山人續稟朱宗良石蘭館稟氣清調爽
神完體舒用事切而雅入字峻而穩運思深而不刻
結法道而有餘味

華精國朝宗藩之詩甯府爲盛諸王孫以詩鳴者多
姪多嶺其著者也多姪絕句清逸多嶺屬對精工如
太室出雲來署裏黃河如帶挂城頭關山曉月趨三
輔鴻雁秋霜度九河路經軒后臨戎坂山接高歡避

暑宮翻朝爾雅無紉袴習氣
書史會要朱多嶺以僻賦名草書宗孫虔禮筆法茂
美

列朝詩集多嶺博雅好修與多姪齊名晚益折節有
令譽披坦薦堪宗正者於南昌首座宗良後病痿不
廢吟咏鴻聲亮節信朱郎之雋也

田按明藩王之工詩者當以秦簡王誠詠爲稱首王
孫之工詩者當以瑞昌中尉多嶺爲稱首王弁州云
每得中尉一番詩輒復一番奇進才情融美格意則
暢朱郎中那復有斯人自非溢美語中尉詩初名石
蘭節稟弁州題爲國秀又改題國香見弁州國香集
序

贈余無旦並寄胡茂承

分藩豫章郡地勝有餘樂爽氣浮雲峰江流帶高郭心賞希
良朋稟素獲所托胡生寶燕婉十載阻京洛每睹鴻雁賓永
歎遠行客余子璠璣美抗迹戀邱壑鼓誦招隱篇清風振叢
薄

蘇公祠

西蜀藏名士東湖托隱居野雲寒織屨春雨曉栽蔬心爲踰
垣苦才留濟世疏悠然江海外不報故人書

滕王閣

覆檻飛甍古閣雄疏簾高棟廠天風彩雲尙想霓旌駐嬌鳥
如悲翠瑄空江送波濤來浩渺雨移巖岫入溟濛丹梯更峙

巴山外詞客千秋興未窮

玉隆萬壽宮

西山迢遞隱仙宮誰信人間有路通
忽觀樓臺蒼靄外似聞雞犬白雲中
石幢苔滅三天字磻道霜凋百尺楓
靈跡祇餘丹井在清秋吟望意無窮

酬羅敬叔

病裏送君遊白嶽歸來對我惜蒼顏
移家只是湖邊好莫問茱萸第幾灣

朱多炏

八首

多炏字貞吉弋陽僖順王曾孫甯獻王六世孫封奉國將軍卒後私謚清敏先生有五游勸游諸集

姚旅露書豫章王孫貞吉負時名慕孫大初亦易姓
名曰來相如字不疑浪迹吳越其詩如帆衝山泉落
棹惹浪花灑野竹雲千頃田桑雨一犁野澗蘋花積
田家芋菜香蠟屐黏香絮單衣繡雨痕山泉供水樂
秋葉逞春容又七言如林連北郭藏春色水過東家
作雨聲皆典到語
筆精貞吉王孫過餘干詩云餘干城頭雲泊天琵琶
洲下水如弦推蓬理詠隨州句落日平沙似往年朝
在杭宿弋陽云翠峯迴合俯清溪寂寞荒城古渡西
惟有女牆秋月只在如今猶照夜烏嗷二詩皆用劉隨
州句畧無痕迹
書史會要貞吉詩才警敏行草宗米南宮雜以古字
自成一體
畫史會要多姪精繪事見古人墨蹟一再臨之如出
其手山水得二米家法寫生更妙
田按貞吉王孫詩才清警徐典公稱其絕句固是玄
賞

寄邱二十二謙之

邱郎一官一再左手板三投三不可進退艱如躑躅羊功名

澀似葳蕤瑣憶昔與子初結歡
鷓詠澣濯章江干別來忽下
閩中命五馬重歌蜀道難
閩中君家舊治域父子分符如畫
一耆舊摩挲去後碑少年拈拾
毛中蹟縱有詩名天地間那
能相見一開顏我擅秦聲君
楚舞醉望城頭千仞山君當
彊仕不得意我尙沈冥未知
止與君各自鬪身強四十頭
顛已如此

遊百丈山聞余無且過豫章闕展待先此奉寄

我住浮雲宮君來天子幃
尋山尋水各逍遙看樹看雲
重惻悵谷口行歌日暮還
杖藜何處不青山莫題鳳
字朱門外且聽鸞音半嶺
間

春日懷張羽士

言旋南嶽駕又作荆門行尊酒不爲別河梁空復情一官羈
萬里十口寄孤城日暮春雲起相思處處生

問魏甫姪疾

海上何人說禁方科頭長似蠟嵇康穿林雨暗茶煙綠隔院
風微藥草香轉向病中憐故舊誰從身後定文章閉門不問
春多少靜看飛花墜滿床

撥悶

雨暗春城十萬家強指髭几到棲鴉峭風欲閣遊人屐吹盡
牆頭柰子花

送梁傳之從襄陽將母南還

夫人城外漢江平逐子南迴五兩輕路出鄴邨頻雨雪槎頭

魚賤筍初生

送王姬還芝城

蕤蕪芽碧柳絲黃
來往扁舟就沈郎
一掬宮亭清淺水
浚波不怨洛川長

湖口縣

湖水澄清江水渾
江煙湖靄易黃昏
請看湖口江心月
一片寒光照縣門

朱多燧 一首

多燧字用晦瑞昌榮安王曾孫甯獻王六世孫封奉

國將軍有朱用晦集

田按用晦因南昌余曰德入七子之社王元美作續五子詩用晦與焉宗良貞吉得交元美自用晦始元

美所謂豫章諸王孫賴足下先驅異時風流不減鄰
下也

滕王閣

滕王閣倚楚江千公子乘春一駐鞍北去波光浮錦席西來
山色擁雕欄冥鴻萬里飛雲斷芳草三洲落照寒已是大夫
工授簡賦成兼使和人難

朱多燠一首

多燠字知白隋惠王第四子石城恭靖王真堵之玄

孫

秋日社集

躡步出郭門涼沙朗朔日迤邐入叢林花宮眩丹漆巍巍豫
章臺萬木四排比

音玉從白香山韻

高謙集友于討論及刊述清風

吹素襟古調和瑤瑟會心豈在遠快意亦多術遙謝天際帆

翩翩若風乙

靜志居詩話南昌郭外有龍光寺萬歷乙卯二月豫章詩人結社于斯宗子與者十人知白之外則宜春王孫謀劉文翰瑞昌王孫謀雅彥叔石城王孫謀韓儀謀圭禹錫謀舜誠父謀塚藩甫謀壘辟疆建安王孫謀毅更生謀聖禹卿謀劉緝其詩曰龍光社草

朱謀璋 四首

謀璋字鬱儀石城恭靖王來孫窗獻王七世孫封鎮

國中尉萬歷二十二年管理石城王府事卒私諡貞

靜先生有枳園近稿

鄭仲夔耳新詩有集唐集古余友朱鬱儀諷古十首乃更集諸子鎔鑄之巧妙極自然又閏三月飲龍沙詩且極天縱娛相將傾桂醕蓋歷家謂閏月爲天縱也鬱儀博綜多閱著述之富百倍中壘每館閣中遇

故事隱僻者貽書相問裁答如響著書百有十二種
手自繕寫稿至數易易發前二日猶與諸子說易指
示詩文宗尙是夕有星光大如斗墜里中棲鳥皆驚
及卒南州人士私諡貞靜先生
周亮工書影西蜀楊升庵太史著書至二百餘種豫
章朱鸞儀中尉著書至一百十二種當時曾未聞有
茂陵之求張天如雖一時名流然無多撰著當時至
見之章奏求其遺書人有幸有不幸如此

滕王閣

銀牀冰井久荒蕪豈若君王觀閣殊六月凌歊無暑氣千年
選勝甲名都河山雨過明如畫草樹煙消綠似鋪多少詞人
憑檻意依然汾晉一碑孤

元夕曲 三首

一夜春歸花柳新笙歌五里踏朱塵停車試問來遊女誰似
天河欲渡人

六十餘年白髮生
眼中元夕幾回晴
江南不是無燈火
取盡脂膏照上京

少年不解畔牢愁
月夕花朝結伴遊
今日故人零落盡
祇留春色到南州

露書朱鬱儀元夕曲皆以舊題寫新意所以爲佳

朱謀誓 三首

謀誓字康侯更字公退宵獻王七世孫有羔雁淹留

蕪城中車四集

露書南昌王孫多稱詩而康侯拔出康侯刻稿甚多
余愛其送謝在杭分守大理詩南詔分司擁傳除嚴
城保障建高牙漢兵據險皆屯棚蠻族依巖卽住家
布穀曉廢郵店樹刺桐春發訟庭花君恩懷遠多寬
政公暇吟詩早放衙
列朝詩集公退少而英敏讀書修詞踵鬱儀之後塵

結廬蛟溪躬耕賦詩郊居耕釣之作詞旨婉約有唐
溫許宋陸游之流風

舊宮詞

女牆橫截鍾山麓子城十里空其腹老宮監守西上門日見
宮中春樹綠當年玉座遷北平燕麥多從輦路生太液煙波
空弔影未央鐘鼓不聞聲二百年來萬民樂文武諸司皆卧
閣當年內庫埽梁塵六月重門啟魚鑰市人身替羽林軍偷
見蓬萊五色雲枯沼頽垣容易入千門萬戶杳難分驚看墀
草潛狐兔武英殿接西宮路赤闌楊柳樹長生畫棟芙蓉花
尚吐別有銅駝犀半開人傳高后燕居來五龍蟠結朝真閣
七寶莊嚴禮佛臺寂寂文牕罨蛛網至今海燕巢於上箭口
銜將紫陌泥飛身立在銅仙掌日暮中官點禁兵周廬依舊

閉重城宮樹鴉暖金瑣下年年只放內家行

甲寅春日江村卽事

自喜幽居耳目清閒中歲月與天爭占風網客知魚信較雨
田家驗鵲聲梅潤上絃琴緩柱草香侵局奕開枰沙邊引步
看流水何處昏鐘報曉晴

金陵雜咏

南國金湯據石頭千年人說帝王州驚聞戰士屯朱雀枉殺
將軍怨白鳩風煖香車盈廣陌月明絃管在高樓傷心一派
秦淮水處處垂楊似莫愁

朱謀堯二首

謀堯字魏甫石城王孫有享簞集六卷

田按競甫與從弟佳父詩合刻爲連枝集魏甫詩五
言如一別髮黃葉相看兩白頭七言如樹頭反照寒
秋色花裏殘春倦鳥聲匹馬路盤黃葉出大江天與
白雲遙山將暝色疏煙接樓射江光返照來秋氣中
人雙袂薄雨聲入枕一燈殘滿簪華髮銷塵事一枕
青山檢道書城回沙口藏山寺水落江心吐石灘行
邊鋪樹樾秋色夢裏青山薄宦情皆佳句也

六子詩錄二

烏衣羣謝遊如君固名曹歎鳳本千仞稱驥豈一毛風流不
在茲雪曲誰爲操手持五嶽圖欲將訪盧敖貞吉宗叔

吾宗有大阮國中稱達賢興至弄柔毫勢若銀鈎連入望鬱
紫氣在聽聞朱絃往往出佳篇何人堪當前宗良宗叔

朱謀境四首

謀境字佳父石城王孫有擊轅稿六卷

田按佳父詩辨香宋人於陸放翁爲近

春日閒居

門外雙溪引城邊一徑斜春光欺病客山色戀貧家高樹留
殘照東風過落花晝長除鳥語庭院寂無譁

寄答鄔汝翼山人

姓名何處得君知一札經年愧報遲懶去已成中散癖詩來
應作郢人疑各天明月三秋意萬里西風兩鬢絲搖落此時
無以贈白雲江上不堪持

春日閒居

心死如灰不復然閉門踪跡儼遊禪課兒種樹娛衰日與客
看花憶舊年酒熟有時還自酌詩成無意向人傳閒居一任

春來去又聽鶯聲到耳邊

春日感懷

無復重調綠綺琴
關情誰聽白頭吟
難乾薄俗千行淚
空碎窮交一寸心
倚杖園林鳴鳥變
閉門風雨落花深
感時對酒那成醉
人老春殘總不禁

朱謀暉 二首

謀暉奉國將軍多疋子有集

列朝詩集謀暉效其父變姓名爲來鯤字子魚出遊三湘吳越間有集行世湯若士爲敘露書來子魚貞吉王孫長公也善游好事者選其詩與孫太初貞吉謂之朋宗三逸

白下集沈生子明府席上賦得春草

芳杜奪幽色
秦淮客路遙
青連邀笛步
綠鎖賽工橋
柔雨生

三徑殘煙認六朝夢歸南浦裏幾箇別魂銷

疾愈寄友作

深冬惜病顏幾日望春還門外草初出窗中人轉閒餘生聊
住郭不死會尋山待到桃花發相期天姥閒

朱謀埜一首

謀埜寄國王孫

登滕王閣

帝子杳何處樓臺猶大堤江清一水合日暝眾山低畫棟生
蛛網雕甍有燕泥不勝懷古思春色遠萋萋

朱統銓一首

統銓字夢得中尉謀埜子崇禎甲戌進士官行人

黃雲師江西人物志統銓詩淡遠高古稿燬於兵不傳

靜志居詩話明初舊典宗室子不與內外銓除後因御史李日宣等所請援祖訓換授之法言皇族宜通仕籍得旨允行蔡王孫于斗詩云爵人本至公立法無頗偏大訓手自訂百度何森然郡王有孫子所司驗才賢換授準任用升轉遵常銓諒哉二柱史抗章排拘學先帝展科目今皇命試官椅桐委斷窳被以朱絲絃請歸在外廢策以珊瑚鞭蓋紀其事也天啟辛酉晉藩慶成溫穆王表桐之會孫慎荃始舉辛酉山西鄉試明年壬戌陽同進士出身至崇禎戊辰甯藩瑞昌王孫統銓由進士改庶吉士自後甲戌則劉藩奉銓甯藩統銓銓謀璋子也丁丑則甯藩統銓統銓庚辰則周藩朝壘在鉞甯藩統銓癸未則代藩鼎娑廷圻甯藩統銓議沐皆以宗支取甲科

滕王閣留別同社

春風吹雁去南天又促孤縱遠入燕高閣喜從名士飲輕裝
仍附賈人船江花伴我程千里雲樹添君賦幾篇只有詩情

元不隔相思能到彩毫邊

朱統鉞 一首

統鉞密國王孫

晤茶山寺僧

因緣初地三生石問訊名山四品泉僧借茶經高說法客依
蓮社近逃禪清空翠滴銀床滿爽氣苔涵紫筍鮮塵界黎元
消渴甚願將甘露灑無邊

朱統險 一首

統險密國王孫

過東林訪三昧法師

偶來看瀑布隨意過東林問法蓮花白安禪竹葉深泉流千

空響雲定一潭陰嘯詠清溪上
脩然淨俗襟

朱容重 一首

容重字子莊甯獻王九世孫封奉國中尉有初吟草

張庚畫徵錄子莊隱居南昌蓼洲善蘭竹小品

晚徐巨源先輩

亂後誅茅構草亭山中閒散久窮經文章自我開生面寰海
推君作典型夜雨暗淒高士宅寒雲低掩少微星清尊無復
黃花約極目何堪涕泗零

朱脢梢 三首

脢梢字遜軒陵川王孫有集

七哀詩 有引錄二

萬曆三年甲戌冬宣大修邊三晉受役民兵四千餘
人而死是役者千五百有奇乃爲夫婦之詞凡七章
命曰七哀取古題以記今事董斯役者可聞而念之
也

長城萬里連雲開去年曾築今已頽黃沙滿眼更何處驅逐
遠過單于臺前負土囊後騎催腹空肉破誰能來嗚呼父母
不我哀

朔風倒吹天雨雪杵聲橐橐何時歇別時相約秋早歸豈料
無衣骨將折人生有命向誰說河水濺濺爲嗚咽嗚呼南望
心腸絕

擬閩仙絕句

雜樹已秋風空山又斜景杖策不逢人獨行潭底影

四溟詩話遜軒子曰凡作詩貴識鋒犯而最忌偏執偏執不惟有焦勞之思且失詩人優柔之旨如賈島獨行潭底影其詞意閑雅必偶然得之而難以句匹當入五言古體或入仄韻絕句方見作手而鳥積思三年局於聲律卒以數息樹邊身爲對不知反爲前句之累因勉成一絕云遜軒博學嗜詩志在古雅且得論詩之法擬閻仙一絕不下唐調其頓悟也如此

朱眉杌 一首

眉杌字敬軒清源莊簡王曾孫有重瞳老人詩十二

卷

四溟詩話敬軒詩冲澹自然

次栗太行枉顧韻

城隅葺小軒車馬不聞喧邱壑元規興蓬蒿仲蔚園君詩清

可挹吾道拙能存何似歲星隱常依金馬門

朱楨枋 一首

楨枋字誠軒楨枋弟

石山子

累石宜精舍憑虛無古今悠然倚杖興重以愛山心地轉仇池穴天移王屋岑主人得幽趣何處更登臨

朱恬焮 一首

恬焮字達菴沁水莊和王叔子封鎮國將軍有達菴集

列朝詩集恬焮子輔國將軍瑛圻與瑛坵瑛增瑛堀四人結社日課以詩藩國於是稱多才矣

同玉源宗王過吳江郡藩別業

露日風光麗梁園草木深鶯歌催酌酒魚樂聽鳴琴移席臨
花鳴行廚傍竹林賢王有佳興留客正慙慙

朱理圻 六首

理圻字京甫恬煥子封輔國將軍有怡真亭稿

田按京甫詩多擬古妙合音節沁水王孫當首屈一指

宛轉詞

秋夜長碧水芙蓉香錦囊瓊佩爲君解象籠玉軫爲君將歌
宛轉宛轉淒以清願爲滄波月夜夜舟中明

夜已深幽怨繞清琴渚亭斜月半江色涼風淅淅哀猿鳴歌
宛轉宛轉愁君去願作琴上絃朝朝在君御

大堤曲

清江覆垂柳日暮大堤頭堤上繁華子春風極冶遊解珠遊
漢女戲馬入青樓誰見煙波晚偏令估客愁

春日行

四運紛鱗次寒暑亦相循元冬聿云暮忽焉代青春青春始
入東郊裏一日芳菲幾千里已看幽谷出鳴鶯復見芳園映
桃李桃李葳蕤滿故枝垂楊旖旎拂金隄南橋公子乘春興
南浦行人恨別離南浦南橋望何極士女春遊遊不息香車
七寶度春風駿馬千金踏春色春色感人深春風蕩客心春
日行將暮春愁不可禁若有人兮婉清揚弄白日兮臨綺窗
感標梅之欲盡悵佳期之不常託春心於芳草結春思乎垂
楊皋有蘭兮隰有杜懷佳人兮心獨苦惜嫵婉之莫同悲年

華之將暮恐鷓鴣之先鳴芳意萎兮靡顧與君願作雙飛鸞
比翼逍遙乎天路

搗衣曲

空階秋色慘寒暄授衣時搗練勞清夜調砧動遠思力隨斜
月盡聲逐晚風悲七月邊城雪閨中寄已遲

賦得葛巾

生平甘恬素奇服從燕私製巾翦絺綌漉酒遺著之晚沐挂
薜荔曉出窺清池優游泉石上珥貂徒爾爲

朱瑛壩一首

瑛壩字純甫沁水莊和王孫封輔國將軍有玉田集

步虛詞

馭鶴辭三島凌颿入九天衣輕披翠羽劍古佩龍泉紫氣呈
金錄丹霞絢玉篇遊遊過帝闕容與木公前

朱瑛坑一首

瑛坑號玉溪沁水莊和王孫封輔國將軍

賦得採桑秦氏女

青陽屬蠶候采采及桑柔秦女新粧出光輝動陌頭葉低嬌
漫摘樹隔語還羞自有金貂壻空勞五馬留

朱瑛壻一首

瑛壻號龍洲沁水王孫封奉國將軍

送傅逸人遊關中

山人不可留歸路思悠悠仙掌丹霞出函關紫氣浮
暖嘒秦

樹晚雁度隴雲秋華嶽如堪隱吾將從爾遊

朱效鋌 一首

效鋌字仲凝理圻子封奉國將軍有匪莪元攬齋盤

秀山房等集

杪秋交光禪師程心蟾逸人見過東園

開士投蓮社幽人就竹關茶煙凝晚樹木葉下寒山定水禪
心淨歸雲客思閒清言塵境外何幸日追攀

朱碩爨 四首

碩爨字孔炎唐定王權六世孫封鎮國中尉有巨勝

園集

弇州山人續稿孔炎詩調和致清高處可步武摩詰
下亦不失錢劉

田技孔炎博雅好收藏書畫鼎彝羅列座右嘗出所
藏唐人理帛圖東坡山谷像與王元美品題鑒別精
審不愧摩天王文孫詩亦才藻翩翩在甯國王孫宗
良之次

過族祖姑壽陽君主墓

高阜城西墓荒涼卧石麟青山猶似黛金粉自成塵花落梅
粧在鶯囀竹淚新向來蕭館月不照夜臺人

寄歐楨伯水曹

聞醉金陵酒高歌李白樓書來牛渚夕賦罷鳳臺秋徑竹栽
青簡江花照綺裘從來何水部頭白尙風流

山中送龔美

龍伯祠前白日斜山中七日飯胡麻送君最愛春潭水流出
東風玉砌花

金谷園

花落樓空委翠塵，千秋明月恨長新。
西風原上羣芳歇，獨有芙蓉似美人。

朱器封

二首

器封字子厚，碩爓子封。輔國中尉，有集園集。

弇州山人續稿子厚王孫天質穎秀神明煥發雖生王家而早探竹素不染愛樂故所撰詞在郁乃爾王世懋奉常集子厚樂府諸解莽莽蒼蒼絕無今人一語五七言律用事與博間有未融

均州樂

臨江買人黃篋船，沆沆青油篙刺天下船。
上岸買魚酒二八，當爐誇數錢煙燼羅幌春將晚。
白日銜山不思返，珠簾紅袖影。傿俄樓上明粧樓，下波沙棠樹上嬌春鳥。
月出平江齊唱

歌

寄田子藝

芙蓉搖落寄何遲
遠道猶涵玉露滋
山遠穆陵秋
蟲蟲月明
澗水夜離離
繡經臺畔一燈寂
搗鼓樓前雙棹悲
無奈西風吹病骨
因君將賦五游詩

朱常法一首

常法字幼良益端王四世孫

田按益藩王孫常制有防露館稿如三春過大半半在雨中過落葉如秋雨聽來不耐愁姚園客稱其酸楚有致附見於此

山行

山谷風多花亂飛
飛花帶露溼人衣
晨炊茅店煙光動
散作

浮雲入翠微

朱慈念 一首

慈念字火西衡恭王六世孫崇禎壬午舉人

山左明詩抄火西饒學問善詩歌闕寇陷青州變姓名南遊造次必持一觚因自號大觚道人

邱使君招同遊焦山

枯木堂中宿重過不計年烏嘯京口樹月冷海門船雲馭通
三島潮音應四禪如何終碌碌尋勝轉無緣